

PWYLLGOR CRAFFU PLANT A PHOBL IFANC

DYDD MAWRTH, 4 GORFFENNAF 2023

Yn
bressenol: Cynghorydd Bridgeman(Cadeirydd)

Cynghorwyr Ahmed, Boes, Davies, Ferguson-Thorne, Hopkins,
Melbourne a/ac Moultrie

12 : YMDDIHEURIADAU AM ABSENOLDEB

Derbyniwyd ymddiheuriadau gan Patricia Arlotte, Carol Cobert ac Emily Gao.

13 : DATGAN BUDDIANNAU

Dim wedi'u derbyn.

14 : BRIFF GAN DDYLANWADWYR CAERDYDD - STRATEGAETH CYNLLUNIO TREFNIADAETH YSGOLION

Dyweddodd y Cadeirydd fod y sesiwn hon yn caniatáu i Aelodau dderbyn briff gan Ddylanwadwyr Caerdydd, ar y gwaith y maent yn ei wneud ar ddatblygu Strategaeth Cynllunio Trefniadaeth Ysgolion.

Croesawodd y Cadeirydd, ar gyfer yr eitem hon:

- Grŵp Dylanwadwyr Caerdydd, Zach, Naima, Liberty, Ahmed, Mikaeel, Aure a Tyrese.
- Y Cynghorydd Sarah Merry, Dirprwy Arweinydd a'r Aelod Cabinet dros Addysg
- Richard Portas, Cyfarwyddwr Cynllunio Trefniadaeth Ysgolion
- Michele Duddridge-Friedl, Rheolwr Gweithredol Strategaeth y Rhaglen Trefniadaeth Ysgolion; a
- Cai Maxwell, Swyddog Cefnogi Rheoli Perfformiad mewn Addysg a Dysgu Gydol Oes.

Gwahoddwyd yr Aelod Cabinet i wneud datganiad agoriadol, ac ar ôl hynny derbyniodd yr Aelodau gyflwyniad gan Ddylanwadwyr Caerdydd.

Gofynnodd y Cadeirydd i'r Aelodau am eu sylwadau, eu cwestiynau a'u sylwadau.

Mynegodd yr aelodau eu gwerthfawrogiad o'r cyflwyniad a wnaed gan Ddylanwadwyr Caerdydd a'r ymatebion i'w cwestiynau. Fe wnaethant ganmol Michele a Cai am sefydlu'r grŵp a chydabod eu gwaith caled a'u hymroddiad wrth ddatblygu'r bobl ifanc hyn. Mae'r pwyllgor yn ystyried y model hwn o ymgysylltu â phobl ifanc mewn polisïau a strategaethau allweddol fel enghraifft o arfer gorau ac mae'n credu y dylid ei gyfathrebu ar draws y Cyngor.

Mynegodd yr Aelodau eu bwriad i wahodd y grŵp yn ôl i gyfarfod pwyllgor yn y dyfodol a gofyn i'r Ddylanwadwyr ddarparu gwybodaeth am yr effaith y maent eisoes wedi'i chael wrth ddatblygu'r Strategaeth CTY. Roedd gan yr Aelodau ddiddordeb mewn gwybod ble mae llais y grŵp yn y broses o wneud penderfyniadau, lle mae eu mewnbyn wedi arwain at newidiadau a gwelliannau yn y Strategaeth CTY ddrafft, a pha sgiliau y maent wedi'u hennill trwy eu hymnglymiad.

Cydnabu'r Aelodau'r blaenoriaethau a nodwyd gan Ddylanwadwyr Caerdydd, megis trafniadaeth ysgol am ddim, dysgu hyblyg trwy dechnoleg, Lles ac Anghenion Dysgu Ychwanegol (ADY). Atgyfnerthodd yr Aelodau ymrwymiad y Cyngor i wrando ar yr awgrymiadau hyn a gweithredu arnynt.

Roedd pob unigolyn yn y grŵp yn creu argraff fawr ar yr aelodau ac yn nodi sut y gwnaethant ddangos y pedwar diben dysgu: cyfranwyr uchelgeisiol a galluog, dysgwyr mentrus a chreadigol, dinasyddion moesegol, ac unigolion iach a hyderus. Dywedodd yr Aelodau eu bod yn bwriadu anfon e-bost at Benaethiaid yr ysgolion i ganmol pob unigolyn am eu cynrychiolaeth a chanmol eu haeddfedrwydd, eu brwdfrydedd a'u gwybodaeth a ddangosir yn ystod y cyfarfod.

CYTUNWYD: y byddai'r Cadeirydd, ar ran y Pwyllgor, yn ysgrifennu at yr Aelod Cabinet er mwyn cyfleu arsylwadau'r Pwyllgor wrth drafod y ffordd ymlaen.

15 : ADFERIAD ADDYSG/YSGOLION AR ÔL Y PANDEMIG

Rhoddwyd gwybod i'r Aelodau fod yr eitem hon yn caniatáu iddynt dderbyn diweddariad manwl ar Adferiad Covid-19 mewn Ysgolion, yn dilyn astudiaeth fanwl y Pwyllgor ym mis Rhagfyr 2023.

Croesawodd y Cadeirydd, ar gyfer yr eitem hon:

- Y Cynghorydd Sarah Merry, Dirprwy Arweinydd a'r Aelod Cabinet dros Addysg
- Mike Tate (Cyfarwyddwr Cynorthwyol Addysg a Dysgu Gydol Oes)
- Patrick Brunnock (Pennaeth Ysgol Uwchradd Gatholig Corpus Christi)
- Claire Skidmore (Pennaeth, Ysgol Gynradd Radur)
- Michelle Jones (Pennaeth Ysgol Gynradd Lansdowne)

Gwahoddwyd yr Aelod Cabinet i wneud datganiad ac ar ôl hynny derbyniodd yr Aelodau gyflwyniadau gan dystion.

Rhoddodd y Cadeirydd gyfle i'r Aelodau ofyn cwestiynau, rhoi sylwadau a gwneud arsylwadau.

Yn ystod y trafodaethau, tynnodd y Pwyllgor sylw at amrywiaeth o heriau a phryderon parhaus, gan gynnwys presenoldeb, atgyfeiriadau, dysgwyr sy'n agored i niwed, gwaharddiadau, cymorth i staff a disgyblion, iechyd meddwl a lles, cyllidebu, defnyddio technoleg ddigidol, a recriwtio a chadw staff. Cydnabu'r Aelodau natur sobreiddiol y wybodaeth a ddarparwyd a chanmolwyd ysgolion am eu hymroddiad a'u gwytnwch wrth wynebu'r heriau hyn.

Gofynnodd yr Aelodau am ragor o wybodaeth ynghylch a yw'r sefyllfa waethaf wedi troi'n realiti a mynegi eu bwriad i barhau i fonitro'r materion uchod.

Datganiad allweddol a ddaliodd sylw'r Pwyllgor oedd diffyg cynllun adfer hirdymor. Gofynnodd yr Aelodau am eglurhad ar fodolaeth a datblygiad cynllun o'r fath yng Nghaerdydd, rôl Bwrdd Adfer Caerdydd wrth ei weithredu, a sut mae'r Cyngor yn cynrychioli'r angen am gynllunio adferiad tymor hir ar lefel genedlaethol.

Galwodd y Pwyllgor am ymrwymiad trawsbleidiol ar draws y cyngor i fynd ar ôl a lloio llywodraethau Cymru a'r DU am ddigon o arian i gefnogi plant a phobl ifanc. Mynegwyd pryderon am ddiffygion ariannol ysgolion a'r angen am gyllid cyson a digonol i fynd i'r afael â phwysau adnoddau.

Pwysleisiodd yr Aelodau bwysigrwydd ffocws hirdymor ar niwroamrywiaeth, ac er eu bod yn cydnabod bod hyn yn fater o fwrdd lechyd, fe wnaethant geisio rôl y Cyngor mewn meysydd fel ymgyrchu a lloio.

CYTUNWYD: y byddai'r Cadeirydd, ar ran y Pwyllgor, yn ysgrifennu at yr Aelod Cabinet er mwyn cyfleu arsylwadau'r Pwyllgor wrth drafod y ffordd ymlaen.

16 : PENNAETH RHITHWIR

Dyweddodd y Cadeirydd fod yr eitem hon yn galluogi'r Aelodau i dderbyn cyflwyniad gan y Pennaeth Rhithwir ar ei gwaith hyd yma a chynlluniau ar gyfer y dyfodol.

Croesawodd y Cadeirydd, ar gyfer yr eitem hon:

- Y Cynghorydd Sarah Merry, Dirprwy Arweinydd a'r Aelod Cabinet dros Addysg
- Mike Tate (Cyfarwyddwr Cynorthwyol Addysg a Dysgu Gydol Oes)
- Deborah Williams, Pennaeth Rhithwir

Gwahoddwyd yr Aelod Cabinet i wneud datganiad ar ôl hynny derbyniodd yr Aelodau gyflwyniadau gan Deborah Williams.

Rhoddodd y Cadeirydd gyfle i'r Aelodau ofyn cwestiynau, rhoi sylwadau a gwneud arsylwadau.

Diolchodd yr Aelodau i Deborah am ei briff ar ei gwaith, ac roeddent yn croesawu ac yn cefnogi ei hymdrechion.

Fe wnaeth yr aelodau hefyd gymeradwyo galwad Deborah am warant ariannol.

CYTUNWYD: y byddai'r Cadeirydd, ar ran y Pwyllgor, yn ysgrifennu at yr Aelod Cabinet er mwyn cyfleu arsylwadau'r Pwyllgor wrth drafod y ffordd ymlaen.

17 : ADRODDIAD Y GRŴP GORCHWYL A GORFFEN CTY

Hysbyswyd Aelodau'r Pwyllgor gan Gadeirydd y Grŵp Gorchwyl a Gorffen, y Cynghorydd Hopkins, fod y Grŵp Gorchwyl a Gorffen wedi cynnal adolygiad trylwyr o adroddiad y Cabinet a'i atodiadau ar 27 Mehefin, 2023. Buont yn trafod agweddau

amrywiol, gan gynnwys cynigion cyffredinol, diogelu at y dyfodol, ystyriaethau ariannol, CAAau, UC Dau, Materion Tir, staffio, llinellau amser, a chyfranogiad craffu yn y broses wrth i fwy o fanylion ddod i'r amlwg.

Yn ogystal, cadarnhaodd y Grŵp Tasg a Gorffen, wrth i fanylion mwy penodol am gynigion ADY ddod i'r amlwg, y byddant yn cael eu cyflwyno i'r Pwyllgor Craffu Plant a Phobl Ifanc mewn adroddiadau unigol yn dilyn ymgynghoriadau. Byddai'r dull hwn yn caniatáu i Aelodau archwilio cynigion yn drylwyr mewn modd hylaw a bydd yn cael ei ymgorffori yn rhaglen waith y Pwyllgor fel y bo'n briodol.

CYTUNWYD: y byddai'r Cadeirydd, ar ran y Pwyllgor, yn ysgrifennu at yr Aelod Cabinet er mwyn cyfleu arsylwadau'r Pwyllgor wrth drafod y ffordd ymlaen.

18 : EITEMAU BRYS (OS OES RHAI)

Dim wedi'u derbyn.

19 : DYDDIAD Y CYFARFOD NESAF

12 Medi 2023 am 4.30pm

Daeth y cyfarfod i ben am 8.20 pm